

৮০ ভাগ পরীক্ষার্থীই ফেল!

**ডিগ্রি পরীক্ষায় বরিশালে
ব্যাপক ফল বিপর্যয়**

বরিশাল প্রতিনিধি : জাতীয় বিশ্ববিদ্যালয়ের ডিগ্রি পরীক্ষায় বিভাগীয় সদর বরিশালের সরকারি-বেসরকারি নির্বিশেষে সব কলেজেই মারাত্মক ফলাফল বিপর্যয় ঘটেছে। এতে ১ হাজার ৭২০ জন পরীক্ষার্থীর মধ্যে মোট ৩৫৩ জন বা ৪ জন প্রথম বিভাগে উত্তীর্ণ হয়েছে। অর্থাৎ শতকরা ৮০ ভাগ (১ হাজার ২৬৭ জন) পরীক্ষার্থীই ফেল করেছে।

শহরের বিভিন্ন সরকারি-বেসরকারি কলেজসমূহে পাওয়া তথ্যে জানা গেছে, বরিশাল সরকারি বিএম কলেজের ৩৬৮ জন পরীক্ষার্থীর মধ্যে ৩১০ জনই ফেল এবং ৫৮ জন পাস করেছে। ২ জন পেয়েছে প্রথম বিভাগ। সরকারি হাতেম আলী কলেজের ১৪২ পরীক্ষার্থীর মধ্যে ১০০ জনই ফেল ও ৪২ জন পাস করেছে। সরকারি মহিলা কলেজের ১৫৮ জনের মধ্যে ১০৩ জন ফেল ও ৫৫ জন পাস করেছে। মহিলা কলেজের ১ জন পেয়েছে প্রথম বিভাগ। সরকারি বরিশাল কলেজের ১১৬৩ পরীক্ষার্থীর মধ্যে ১৬০ জনই ফেল এবং মাত্র ৩৩ জন পাস করেছে।

তুলনামূলকভাবে ৪ সরকারি কলেজের চেয়ে ৪ বেসরকারি কলেজের ফলাফল কিছুটা ভালো। এতে বরিশাল অমৃতদাল কলেজের ১৩৩ পরীক্ষার্থীর মধ্যে ৯০ জন ফেল ও ৪৩ জন পাস, সিটি কলেজের ১৬৫ জনের মধ্যে ১৪৪ জন ফেল ও ২১ জন পাস, ইসলামিয়া কলেজের ৪৯১ জনের ৪০৭ জন ফেল ও ৮৪ জন পাস এবং মানিক মিয়া মহিলা কলেজের ৭০ জন পরীক্ষার্থীর মধ্যে ৫৩ জন ফেল ও ১৭ জন পাস করেছে। তবে মানিক মিয়ায় ১ জন প্রথম বিভাগ পেয়েছে।

বরিশাল বিভাগের মধ্যে পটুয়াখালী সরকারি কলেজের শহিদুল ইসলাম ৭ম, মোয়াজ্জেম হোসেন ৮ম এবং শাহজালাল ২০তম স্থান লাভ করেছে।